

ԻՐԱԴՐՈՒԹՅՈՒՆԸ ԼՂԻՄ-ՈՒՄ

Մայիսի 14-ի կիրակին համեմատաբար հանգիստ անցավ Ստեփանակերտում: Ջանգվածային գործադուլի շրջանում յուրօրինակ դեր է սկսել կատարել կուսակցության քաղաքային կոմիտեի շենքի առջևի հրապարակը: Այստեղ ամեն օր փոքր խմբերով հավաքվում են մարզային կենտրոնի բնակիչները, որպեսզի կարծիքներ փոխանակեն ստեղծված լարված իրադրության շուրջը, ստանան այն կամ այն տեղեկությունը: Բնակչության շրջանում մասնավորապես տարաբնույթ գրնահատական ստացավ ԼՂԻՄ-ի հատուկ կառավարման կոմիտեի նախագահ Ա. Ի. Վոլուկու վերջին հարցազրույցը տեղական հեռուստատեսության թղթակցի հետ:

Երկուշաբթի՝ մայիսի 15-ին,

Ստեփանակերտում աշխատանքային ուժերը չվերականգնվեց: Ինչպես որ առաջ, գործում են միայն քաղաքի կենսապահովման ձեռնարկությունները, բուժհիմնարկները, կապի ծառայությունը, մթերային խանութները: Դպրոցներում դրությունը տարբեր կերպ է դասավորվում: Միջոցներ են ձեռնարկվում, որ դրանցում պարապմունքները լիովին վերսկսվեն: Սակայն դպրոց են հաճախում միայն ավարտական և մասամբ տարրական դասարանների աշակերտները: Ինչ վերաբերում է արդյունաբերական ձեռնարկություններին, շինարարական կազմակերպություններին, տրանսպորտին, մշակութապատմական հիմնարկներին, բնակչության կենցաղսպասարկման, հասարա-

կական սննդի օբյեկտներին, այդ թվում կոոպերատիվ սըրճարաններին, ապա դրանք նույնպես չեն գործում: Մարդիկ սպասում են, որ կոմկրետ միջոցներ ձեռնարկվեն իրենց առաջ քաշած պահանջներին համապատասխան: Ջգացվում է լարվածություն, որն ստեղծված իրադրության հետևանք է:

Ամբողջությամբ վերցված չի փոխվել իրադրությունը մարզի շրջաններում, գյուղատնտեսական հատվածում աշխատանքները շարունակվում են:

Անցած երկու օրվա ընթացքում անձնագրային ռեժիմի և պարետային ժամի խախտման հատար կալանվածների թիվը սովորականից չի անցնում:

Ա. ԳՐԻԳՈՐՅԱՆ

(Արմենարեսի սեփ. թղթակից)

ՍՏԵՓԱՆԱԿԵՐՏ